

– Մեր ժամը չէ գնում, – պարզաբանեց հինգերորդը:

– Երեսին խաչ չէ հանում, – հաստատեց վեցերորդը:

Այսպես, իւրաքանչիւրը կարդում էր դատապարտեալի յանցանքները:

– Լաւ, դուք ի՞նչ գործ ունեք, չարաճճիներ, – ծիծաղելով ընդհատեց Ասլանը:

– Անհաւա՛տ է, – կրկնեցին կրօնի փոքրիկ պաշտպանները միաձայն:

– Մի շաբաթ առաջ մեր գիւղում մի լաւ շնաթակ կերաւ, – ասաց նրանցից մէկը. – գիւղացիք այնքան ծեծեցին, որ ողջ տեղը ականջը մնաց. հիմա էլի եկել է, չէ ամաչում:

Փոքրիկ հովիւներից մէկը երկար ցուպի ծայրը մօտեցրեց նրա քթին եւ, սաստիկ շփելով, հարցրեց.

– Ինչո՞ւ ես լեզուդ պահել, դէ խօսիր, սո՛ւտ եմք ասում:

Նա ոչինչ չպատասխանեց եւ նայեց դէպի երկինքը:

Հալածականին մեր պաշտպանութեան տակ առնելով, մենք մեծ դժուարութեամբ կարողացանք համոզել նրա հալածիչներին, որ այդ «անհաւատը» միւս անգամ նրանց գիւղին չի մօտենայ եւ «սատանայական» գրքեր չի ծախի: Նրանք ցրոնեցան, ասելով.

– Եթէ կը գաս, կտեսնե՛ս... եւ իւրաքանչիւրը ցոյց տոնեց ձեռքի ցուպը:

Մենք հեռացանք, նրան մեզ հետ տանելով: Յետոյ երեւաց, որ այդ մարդը սուրբ գրքերի տարածող մի գրավաճառ էր:

Բոլորովին մուրօն էր, երբ հասանք մի այլ գիւղ: Նա ասաց մեզ, որ այնտեղ կարող ենք յարմար իջեւան գտնել, եւ ինքը առաջնորդեց մեզ դէպի մի տուն:

– Դա «եղբայր» Թաթոսի տունն է, – ասաց մեզ նախքան դռների բացօղի:

Շեմքի վրայ երեւաց տան տերը:

– Եղբայր Թաթօս, քեզ համար հիւրեր եմ բերել, – աւետեց նրան սուրբ գրքերի տարածողը:

– Իմ աչքերի վրայ տեղ ունեն, – պատասխանեց եղբայր Թաթօսը, մօտեցաւ եւ մեզ ձեռք տոնեց:

Սրահում մեզ համար նստելու տեղ պատրաստեցին, իսկ ձիաները կապեցին սրահի առջեւ: Մենք տեղաւորոնեցանք թանձր թաղիքի վրայ: Սուրբ